

漢陽趙氏大譜首編

一世 二世 三世 四世 五世 六世 七世

始祖趙之壽

始仕高麗官朝順大夫僉議中書事

莫永興西面銀谷洞失傳朝鮮

高宗光武辛丑後孫俊植等(良敬公派)設壇立碑

子暉 一子

元朝宣授雙城總管

置府于和州(今永興郡)迤北十二城

(高麗高宗四十五年戊午)事見西川

君鄭崑壽所記及茂松尹紹宗所撰龍城

君傳○墓德源郡北城面新安里(北面

龍城社漆田洞)亥坐乾入首長得巽破

山坂十一町八反三畝步 朝鮮

顯宗甲寅年間山下人玄太建偷葬毀碑

肅宗丁巳後孫恭判威明奉審北道諸

陵時發覺癸亥後孫忠義世興(良節公派)

與內外孫聯狀移掘後丁卯後孫宗著宰

淮陽外裔沈壽亮宰安邊時改立表石

純廟己卯又為重修前面書

雙城總管漢陽趙某之墓○墓階有花四

季月開花故謂之四

子良琪 二子

年十三襲父爵為總管

元世祖至元辛巳日本之役以副元帥從金

方慶往征全師而還又討哈丹猷俘于元

時年二十一元帝大奇之賜錦袍玉帶曰

服此東歸娶良配生嘉子孫世致力王

室如汝今日事我也距今七百年久袍則

不保惟帶尚傳不入家人失火出掛於園

樹一回異也當其時笏鈔一枚折半遺失

後於商婆篋中購其半面玉符合乃完二

回異也朝鮮高宗元年興宣大院君

請借入 大內使玉人適時制改造書

御覽玉帶四字以還後孫大提學性教撰

記事壬午興宣又復借去久而不還因作

丁酉園墓中明器至丁未以王禮改葬時

子琳 二子

初諱 祐元武宗至大戊申生年未弱冠

仕高麗忠肅朝恭愍丙申取復雙城以北

九州十鎮超授禮賓卿 賜第于京己亥

擊走紅巾賊于西京(今平壤府)庚子拜

判司農寺事辛丑轉工部尚書壬寅出牧

海州踰年入為禮儀判書檢校密直副使

癸卯錄破紅巾功一等壬子乞骸退牛峰

縣(今屬金川郡)辛耦元年乙卯封三重

大臣龍城君己未歸老龍津以致力王室

四字誠諸子庚申十一月卒壽七十四即

明太祖洪武十三年贈推忠勳戴輔理贊

化佐命功臣壁上三韓三大臣龍城府

院君門下左侍中判禮儀司事上護軍事

女權琮

子仁璧 七子

號愚溪又號海月亭高麗恭愍時廓濶登州十

二城(今安邊以北諸州)又與安祐李邦實

回復西京辛耦己未為江陵道都元帥乙丑為

四道都指揮使秩至純誠翊衛協贊理功臣

三重大臣龍源府院君三司左使兼判小府寺

事朝鮮 贈推誠亮節翊衛輔

理佐命功臣輔國崇祿大夫門下左政丞判都

評議司事領 經筵事漢山伯論襄烈○公於

襄陽朝鮮 麗末知天命有歸退老

太祖三徵七辟公守義不起襄之人慕其忠節久

遠不忘事蹟見東史纂要

仁祖戊辰后孫文知事緯

韓知本府以大浦鎮舊館為諸生肄業之所扁

以東溟書院鄉之章甫

子溫 五子

高麗忠穆丁亥生歷事朝

太定太三朝錄推忠協贊

開國定社佐命功臣累

官至輔國崇祿大夫議

政府左贊成兼判內資

寺事封漢川府院君

太宗丁酉閏五月十九日

卒壽七十一 贈諡良節

張氏忌辰三月三日

○墓交河今坡州青石而吾道里長明山南

麓壬坐禮葬合窆 賜牌定界山坂五町七反

一畝九步舊闕不傳玄孫判決事邦禎恭判邦

彥改立又不保完後孫逸掌令克善改立撰陰

記松谷趙復陽撰文縣監鄭彥說書前面大字

配 朴氏忌辰七月十六日○墓失傳

子儀 僉樞

一女金季德女趙瑞錄

事趙瑞女朴元裕僉知

朴元裕子徵女盧翰○

二女李斯林子李根忠

贊李根子思宗忠贊女

金自贊(文節公甲申

單卷譜)子灌二子灑

一女鄭歲護軍二女黃

早雨府尹(文簡公辛

卯三卷譜)○謹按前

後兩譜記載不同者可

疑

河院 (乾一)

興 (乾二)

育 (乾三) (乾四)

漢陽趙氏大譜序編

序

洪之北綠雲

魯一  
隱云

洞我漢陽趙氏大宗派世葬地也歲壬申冬十月上旬墓祭既餽春教

氏等相與議曰伊川程叔子之言曰使人不忘本須是明譜系收世族立宗子法又曰立宗子亦是天理譬如木必有直上榦者又有傍枝達而爲榦者此大宗小宗之謂也然則人固不可無譜譜固不可無宗凡在繼高以至曾祖禰代各有宗者猶尙爲然矧我趙

良節公不祧廟主鬯者之爲胄祖以後二十餘代大宗乎是以自我

中廟甲申以至

高宗甲申四百年間六易手之譜有一定規制上以尊吾祖下以敬吾宗矣降及門衰收族不古太繁於辛酉而上祖之嫡統變改太略於甲子而大宗之下系中斷 良敬公宗孫亦百世不遷之大宗也所重非特程夫子所謂傍枝小宗者而與大宗同歸見漏餘外各派不與者亦至過半此非傳授舊規也決不可方行於國中譜家而辛酉嫡統既已得

正於甲子則甲子下系亦必有後作者然後乃可魯又一變而至道不若是宗支之差別  
勿論五十年以來人事之變遷門族之興替無以考信於來世所當改纂如後甲申規制  
而所可病者無財然有人斯有財今我綠雲五派亦大衆也衆心苟一何患無財且事有  
可遲之者亦有不可遲之者顧以大宗之最近旁支烏可遲之矧今門日益衰各派老成  
次第凋謝世日益變各家子弟無意講先失今不改後雖有財必不能明系作譜也宜其  
速之乃以是決議後有以其事傳道於一元者余喟然曰議雖云然自夫辛甲以後我趙  
氏知有大宗者尠此子朱子所謂建安以來中州士大夫不知有漢室者也難必今日我  
趙之同意是也曰否否天理人情自無二致曩日宗孫之南遊也南之姓親多有以譜事  
咨嗟云此敬宗之性所由然者然則今日宗派之議安知不有不謀同者也居數月春教  
氏與 良敬公派龍仁鍾薰氏 嘉川齋公派龍仁重元 節孝公派清州炯元聯署布  
告定期會議於 良節公祠屋時癸酉仲春也雖以一元之衰瘵亦身往聽之凡同祖  
龍城君者競相來集若百川之朝海大宗孫炯元 良敬公宗孫國衡坐定推尊行抱川

薰植氏爲議長高年龍仁學元氏爲摠裁撰定有司兩宗長詢衆取可首舉一元者所以序齒也使國衡副之歷選其次惟以賢能然後設所於洪城驛宗孫曰勿収工布須先編輯於是掌貨有司洪城鍾泰氏東西假貸不絕餉餽南北奔走措辦紙物不自知心力俱疲副卿鼎允氏千園之捐適至豈不踴哉粵明年編成二十冊付劄劂氏蓋洪城炳烈全州喆衡江陵一衡保寧心行兼任校正起抄而大田元熙掌正書此五人者旣竣其役又監印刷咸平炳翁以首任正書竣功而歸文川成根咸平斗衡迭主校務務安志元全州誠台金堤慶胤分擔書役此五人者進退從便勞苦有差務安炳弼監督庶務經年始歸而抱川鍾奎氏以親疾辭任清州喆衡以身病告退此衆所嗟也長城極元光州弘元咸平錫元大田駿行丹陽鍾珏氏掌廻通促單而長城鍾大氏振威成圭定山炳憲亦如之洪城斗元德山炳熙結城孟元並以魯隱同派和附不破慮始樂成若乃京城洵元醴泉河遠氏襄陽學元監督有司清州義元許同於詢謀之初德山炳乙永川泰衡鐵山重九氏江陵斗元送單於設所之始唐津貞元奉書來謝抱川鍾稷氏北青淑熙英陽楨基合

衆而來延白泰元永興昌元海州義行排衆曰可 庫使公派長老京城前府使鍾萬氏  
前叅奉濬元屢回遺書一心勸獎道有司忠州炳純折衷羣單勉戒精實道有司扶安基  
河氏捐金送子而光州根元亦有所助有以虛僞野史紊亂派系也堤川龍教氏保寧敏  
行辨斥之此皆內外勤務邇遐胥悅以致其績者也甲申舊譜之制於是復觀趙氏大譜  
之稱不是虛名是豈偶然哉編既完諸執事求言于吾吾何敢且也茲譜爲宗孫作而一  
開卷大小宗支便卽在目苟能善觀孝弟之心白可油然而吾何辭贅之也無已則尙有所  
一言者嗚呼惜哉顧我趙氏自一祖始分以爲三大宗又分以爲八大宗不億其麗編載  
一譜向所謂大譜之稱非虛名者是且作爲派圖以付編首者要令一覽興感其意切至  
此 文穆公所謂載名譜中明先系之有自示後世之無窮爲其榮幸可不盡心力而樂  
爲之者然尙或有睨而視之者亦或有堯中改路者不知月(旦)者之在後何哉此吾所  
以途人悲之也 文節公單卷譜序不有云乎門族之盛衰知子孫之賢否而譜之存不  
存亦係焉 文簡公三卷譜序亦有云曰苟有尊祖敬宗之心者譜烏可已吾以爲茲譜

既成二公之所嘗勉之者不待加勉而爲勉焉吾所望於譜中人者必以吾今日所以悲之者爲悲則庶乎有待於後之續茲譜者同之諸宗其勉乎哉

高宗甲申後五十一年甲戌之秋七月既望 良節公十七世孫進士一元謹序

跋

大譜編輯既完比諸甲申前譜孫錄之多不啻倍餘伊來五十年間生齒之增固然遠在嶺海關峽之陬漠然數百年不相通聞者亦有收錄此其所以多占分數也嗚呼此吾輩多年焦心殫慮之所就而雖不可謂功與願滿亦可以藉手而見 先廟矣蓋人莫不知吾身之爲父母遺體而究其一氣之所自來則雖鼻玄之遠其親愛之情固無窮也推祖先均視之心雖派分百世居隔千里卽吾同氣而一室也况余忝承大宗之後奉不祧之祀其水木源本之思恒切于中私竊歎恨以爲縱不能聚天下之族爲一家獨不能聚之一譜之中乎矢心發願實在於此於是不自量度率先倡起窮搜博訪足迹迨遍於八域然而終是綿力薄材空言難施盡力所及竟未至恰然大同有愧初心多矣第念尊祖敬

宗根於秉彝出於真誠非有我之所私則循是不己必有爛熳同歸之日矣顧已老矣恨不能於吾身親見其效深有所望於後來繼今者嗟我幼子童孫慎勿忘今日之志

中書公二十三世大宗孫前主事弼元謹跋

惟我漢陽趙氏之有譜厥惟久矣先人纂次務尙嚴正未嘗以私意增刪爲譜家軌範矣  
挽近辛酉之大同失於紊亂而易統甲子之正統失於踈畧而漏宗本源旣訛末流亦舛  
余嘗爲是慨之歲癸酉春改刊之論發於洪城宗派而詢于余余曰此吾志也乃約會諸  
宗而議之凡各派之分爲八宗者莫不響應受單起抄凡十八個月編輯完了付諸剞劂  
總二十卷前者兩刊之失於是乎一新就正復甲申以上舊制實吾門之幸而諸執事勤  
勞之功也其事具載於首任之所弁卷者吾不必續貂顧吾以世行最高亦忝任名與共  
終始則亦不可無一言故畧書梗概如右云爾

良敬公十五世孫直員薰植謹跋